



Il mas-chalch da Sent

Publicaziuns officialas. Cumpara seguond bsögn.
2006/2008
no. 08

7554 Sent, 26 mai 2006 / mw

Sent Turissem

Invid a la radunanza generala

Stimadas commembras, stimats commembers

Darcheu es passà ün on da gestiun e no lain invidar a
nossa radunanza generala. Quella ha lö

gövgia, 1. gün 2006, 20.30h chasa cumünala Misoc

Tractandas:

1. Salüd dal president
2. Elecziun dals scrutinadurs
3. Protocol da la radunanza generala 2005
4. Rapport annual dal president
5. Approvaziun dal quint 2005
6. Rapport dals revisuors, dis-charg suprastanza
7. Elecziuns
8. Grotta da cultura, orientaziun nouv'organisaziun
9. Grotta da cultura, credit fr. 20'000.--
10. Varia

A partir da las 20.00h vain servi ün aperitiv als preschaints. No
vessan grond plaschair, da pudair salüdar a blera glieud.

**Cun amiaivels salüds
il comité**

Chaplinas per ir cul velo, trottinet o cull' assa cun roudas

Stimats genituors

minch' on daja tenor la SUVA 27'000 accidaints cun velos, 40 morts, 1'400 feridas dal cheu. Quai
nu sto esser! Portar üna chaplina redüa las feridas dal cheu per 70% !!!

chaplina per ir cul velo, cul trotinet o cull' assa cun roudas.

Il cussagl da scoula

Suicid: referats cun discussiun

Venderdi dals 2 gën a las 20.00 in chasa da scoula, Sent, rumantsch/tudais-ch

- Suicid ill'istorgia (Jörg Büchel, ravarenda)
- Aspets psicologics (A. Gallmann, psicoterapeuta)
- La rolla da la famiglia (Ida Zisler, sour d'amalats)

Mardi dals 6 gën a las 20.00 in chasa da pravenda ref. **Scuol**, tudais-ch/rumantsch. Approfundir il tema a man dad exaimpels concrets: Che far? Che güda?

Dumengia dals 11 gën a las 10.00: Cult divin tudais-ch cun inscenaziun dal tema Judas Iscariot. Davo predgia caffè ed occasiun da discussiun.

Per infuormaziuns: Jörg Büchel, 081 864 87 28.
Entrada libra

**FORUM Baselgia refuormada
Engiadina bassa**

Viadi per attempats als 14 gën 2006

I vain prümavaira – il temp per viagià.....

La società da duonnas vuless amiaivelmaing invidar a tuot ils attempats a noss viadi da prümavaira.

ingiò: Ötztal
data: marcurdi, als 14 gën 2006
partenza: a las 08.30 h davent da Plaz
cuosts: ca. frs. 25.00 per il viadi e ca. frs. 25.00 per il giantar

La società da duonnas spordscha a tuots sur 70 ons (fin e cun l'annada 1936) il giantar.
tour cun sai: carta d'identità e buna glüna

Annunzchar plü svelto pussibel pro:

Annatöna Pult 081 864 86 82 o Mema Werro 081 864 90 68

No sperain süin gronda partecipaziun e'ns allegrain da pudair passantar ün bel di cun Vo.

**La società da duonnas
pel comité
Annatöna Pult**

Festa d'avertüra "Grotta da cultura", sonda, als 14 october 2006

Per la festa d'avertüra da la Grotta da cultura tscherchaina glied chi's partecipescha cun producziuns. No'ns imaginain cha gruppas pitschnas as prodüan in fuorma da sketches, recitaziuns, musica, chant, striunarias e.u.i.

las adressas:

surataglia@idazisler.ch , tel. 081 864 19 94 opür giannabettina@bluewin.ch , tel 081 864 98 66

**Ida Zisler e
Gianna Bettina Gritti**

Cuors da yoga a Sent

In chasa cumünala dals 31 mai fin als 26 lügl 2006, adüna il marcurdi saira dal las 20.00 a las 21.45.
La prüma lecziun po eir gnir postada seperada per frs. 14.00, per gnir a cugnuoscher quist cuors.

Cuosts totals pel cuors chi düra 8 marcurdits frs. 140.00.

Cuntgnü dal cuors:

exercizis da recreaziun, dal flà, da conzentrasiun e t c.

Annunzchas piglia incunter la muossadra dna. Johanna Wassermann, Tel. 004354722358 o per e-mail JohannaWassermann@gmx.at

Johanna Wassermann

Da dar a fit a Sent

Abitaziun, da 3 1/2 stanzas il prüm plan fabrichada nouva a Saglina, a partir dals 1. lügl 2006,
cun 2 chombras da durmir (17.5 e 13 m2) chadafö e stüva cun terassa (41 e 6 m2) duscha e tualetta (5 m2), remissa e chadafö da lavar, e signal da televisiun cun antena parabolica. Predsch cumprais il s-chodamaint (cun pumpa a chalur) frs. 1'300.00 al mais. Garascha tenor bsögn avantman.

Infuormaziuns plü detagliadas pro:

Giovanni Bonavia, Kanzelweg 2, 4410 Liestal

Tel. o fax no. 061 921 02 32, e-mail bonavia@datacomm.ch

Giovanni Bonavia

Da dar a fit a Sent

Archas Sura 208 A, 1 Studio, a partir dals 1. gün 2006.

Fit al mais frs. 530.00

Infuormaziuns plü detagliadas dà sar Andri Guler suot il no da telefon 081 864 94 43.

Andri Guler